

**Subject:**

Հայաստանի Հատուկ Գիտական Հետազոտությունների Հիմնարկություն (ՀՀԳՀՀ)

*21 Փետրվարի 2013թ., Լոս Անջելոս, ԱՄՆ*

**Հարգելի Սպարապետ Մեյրան Օհանյան,**

Գործի լրջությունը թելադրում է ինձ, որ խլեմ Ձեր թանկ ժամանակի մի մասը և սևեռեմ Ձեր ուշադրությունը առանձնահատուկ կարևորություն ունեցող հետևյալ հանգամանքների վրա:

Թող Ձեզ հայտնի լինի, որ անցյալի դարի առաջին կեսում՝ Հայգեներգի ստեղծած Քվանտային մեքանիկան (1925թ.) և Դիրակի ստեղծած Հարաբերական քվանտային մեքանիկան (1928թ.) հանդիսացան տեսական ֆիզիկայի կարապի երգերը: Անցել է մոտ 85 տարի և տեսական ֆիզիկան այլևս ոչ մի ուրիշ տեսություն չի կարողացել ստեղծել: Օգտվելով տեսական ֆիզիկայում ստեղծված այդ երկարատև դատարկությունից պատեհապաշտ «ֆիզիկոսները», որոնց ծագումը շատ պարզ է մեզ, լցրին բազում կեղծ գիտական տեսություններով, ինչպես օրինակ. “String Theory”, “K Theory”, “Big Bang Theory” և այլն...

Աշխարհում ինչ որ մի բան շատ վաղուց ճիշտ չէ...

Տեսական ֆիզիկան ամբողջ Աշխարհում և ի մասնավորի Հայաստանում գտնվում է շատ խորը սառցակալված վիճակում և երբ ձնահալքը կսկսվի ու սառույցը տեղից կշարժվի շատ դժվար է ասել: Տեսական ֆիզիկան թնակոխել է հավատաքնության և խավարի մի նոր դարաշրջան:

Հարց է առաջանում թե ինչո՞ւ եմ ես այս բոլորը ասում, կարծես թե գիտության հետ ուղղակի կապ չունեցող նախարարությանը, և ոչ թե «գիտության և լուսավորության» նախարարությանը: Պատասխանը շատ պարզ է, որովհետև գիտության նախարարը իր կարողությունները ավելի շատ ցուցադրում է «ԿՎՆ»-ի մրցումների մեջ քան թե Հայաստանում գիտության զարգացման ասպարեզում:

Ես էլեկտրոնիկ նամակով դիմել եմ տարբեր նախարարությունների, ներառյալ նաև Ձեր նախարարության խոսնակին (23 Դեկտեմբերի 2012թ.): Ես էլեկտրոնային նամակներով դիմել եմ նաև էլեկտրոնային փոստարկղ ունեցող բոլոր Հայ ֆիզիկոսներին (100-ից ավել): Բայց, նմուշի համար, նրանցից գոնե մեկը, ըստ հողվածի բովանդակության, չարձագանքեց: Գոնե մեկը չասաց, որ մեր ստեղծած նոր տեսությունը սխալ է կամ հիմարություն է և կամ էլ չասաց մի որևէ այլն բան: Բացարձակապես ոչ մի արձագանք... Սա լռությամբ սպանելու տեքնոլոգիա է, որը օգտագործվել է մեր նկատմամբ շատ վաղուց և այժմ էլ օգտագործվում է: Մեր հողվածը տպագրման համար ուղարկեցինք նաև AJP (Armenian Journal of Physics): Անցել է երկու ամիս և ոչ մի պատասխան: Բացառություն է կազմում միայն Սփյուռքի նախարարությունը, որը արձագանքեց մեզ, բայց չցանկացավ օգնել, որովհետև տառապում է «Արթուր Պողոսյան»-ի հիվանդությամբ և մենք դարձանք այդ իրավիճակի քավության նոխազը:

Ինչո՞ւ եմ ես դիմում Հայաստանի Սպարապետին:

ԱՄՆ-ի պաշտպանության նախարարության հովանու ներքո գործում է «ԴԱՌՊԱ» գործակալությունը, որի նպատակն է. «Ապահովել ԱՄՆ-ի ռազմական տեքնիկագիտական գերակայությունը և կանխել տեքնիկագիտական անակնկալները, որոնք կարող են վնասել ԱՄՆ-ի ազգային անվտանգությանը: ԴԱՌՊԱ-ն հովանավորում է բոլոր հեղափոխական բարձրաժեղ հետազոտությունները, որոնք կկամրջեն հիմնարար հայտնագործությունների և դրանց ռազմական օգտագործման միջև եղած վիհը:»

Ես առաջարկում եմ ստեղծել Հայաստանի Հատուկ Գիտական Հետազոտությունների Հիմնարկություն (ՀՀԳՀՀ), որի գործունեության հիմքում ընկած կլինի մեր ստեղծած Հայկական Տեսությունը և դրանից բխող բոլոր նոր տեքնիկաֆիտական անակնկալները և աննախադեպ հայտնագործությունները...

Եթե մեր «**Հայկական Բանակ**» երգի մեջ ասվում է որ. «**Մերն է լինելու այս նոր հազարամյակը**», ապա այն օդից չի գալու մեզ, այլ բացի ռազմական հաջողություններից, այն կատարվելու է նաև գիտատեքնիկական հեղաշրջմամբ՝ նոր տեսական գաղափարների մարմնացումով: Ֆիզիկայի մեջ դա հանդիսանալու է մեր ստեղծած «Հայկական Տեսություն»-ը և վերջ:

Հարգելի Սպարապետ, «**Միաչափ Գոյերի Հարաբերական Շարժման Տեսություն - Ազատ Շարժում**» հոդվածը հանդիսանում է մեր հիմնարար «**Հայկական Տեսություն**» աշխատության միայն մեկ ենթաբաժինը: Այս ենթաբաժինը առանձնացնելով հիմնական աշխատությունից և վերախմբագրելով որպես առանձին ինքնուրույն հոդված, մենք նվիրեցինք այն մեր Շուշիի ազատագրման 20 ամյակին (բայց ո՞վ իմացավ):

Մեր հոդվածը կցված է այս նամակին կամ Դուք կարող եք նաև վերցնել այստեղից.  
[http://www.armeniantheory.com/atfiles/arm\\_odm/pdf/arm\\_odm\\_book.pdf](http://www.armeniantheory.com/atfiles/arm_odm/pdf/arm_odm_book.pdf)

Առաջին հայացքից անմեղ վերնագրով մեր հոդվածը, իրականում իր մեջ պարունակում է լայնածավալ գիտատեքնիկական անակնկալների սերմեր:

Մենք հավատում ենք որ անգամ մեկ հոդվածը կարող է կայծի դեր կատարել և բոցավառել Հայոց գիտության ջահը, ինչպես նաև հալեցնել սառցակալած տեսական ֆիզիկական ամբողջ Աշխարհում: Այս մեր հոդվածը և մեր կողմից պատրաստվող մյուս հոդվածները կարող են կատարել հենց այդ կայծի դերը:

Մենք հավատում ենք նաև որ գիտության վերածննդի Արշալույսը բացվելու է Հայաստան – Արցախի Աշխարհում և Հայաստանը նորից դառնալու է ճշգրիտ գիտությունների զարգացման կենտրոն ու Աշխարհի գիտնականների համար ուխտատեղի:

Այս հոդվածը տպագրվելուց հետո, մենք հույս ունենք, որ Հայաստանի Պաշտպանության Նախարարության հովանավորությամբ հնարավոր կլինի Հայաստանում հրատարակել «**Հայկական Տեսություն**» աշխատությունը ամբողջությամբ, ի փառս մեր Արորդիների Ցեղի և Արորդիների Սրբազան Հայրենիք Հայաստանի: **Հայոց ցեղասպանության 100 ամյակի կապակցությամբ դա կլինի մեր ամենաազդեցիկ պատասխանը Հայոց ցեղասպանությունների պատվիրատուներին, ծրագրավորողներին, իրագործողներին և անտարբեր Աշխարհին:**

### **Դա Կլինի Հայոց Հարցի Հայոց Պատասխանը**

Շնորհավոր բոլորին Հայոց Արշալուսի նոր տարին,  
Շնորհավոր բոլորին Հայկական բանակի կազմավորման 21 ամյակի կապակցությամբ  
Շնորհավոր բոլորին Արցախյան գոյամարտի 25 ամյակի կապակցությամբ:

**Կեցցե՛ք Արորդիների Հայրենիք Հայաստանը**

**Ռոբերտ Նազարյան**  
[robert@armeniantheory.com](mailto:robert@armeniantheory.com)